

於學後設一射圃教學生習射朔望必省試

其有司官閒暇時與學官一體習射

一射式

凡官府及學校遇朔望於公廡空閑去處
 習射 凡樹射鵠正南北向 凡置射位
 於三十步自後累加至九十步畫位謂之
 的 凡射各以鄉官為主射 凡賞酒中
 的 用三爵中採用二爵
 凡司射必自下而上

一射器

狐鵠一其采二六品至九品射之其制中
 以皮為鵠畫紅綠二采周圍飾以狐狸皮
 為身為舌 布鵠二有的無采文武子弟
 及士民俊秀射之其制以皮為鵠周圍飾

以布又以布為身為舌 兕中一三至
 五品用其制以木為之長一尺二寸頭高
 七寸前足跪鑿其背上穿之可容算用顏
 色漆漆之下用木座朱漆 鹿中一六品
 至九品官學官及官員子弟士民俊秀皆
 用之形與兕異而制則同 算以十耦為
 率用八十籌乘以桶二 容一名乏以木
 為匡以皮冒之方廣七寸足以蔽身 旗
 以帛為之每容后各六赤一采一青一白
 一黃一黑一 弓矢按一弓矢若干 爵

案一
 爵二

一射職

司正副司正每鵠用一人掌驗射者品級
 尊卑以定耦執算於鵠之左右置其中於
 某前每耦進則執八算於手伺中則投於
 中其餘橫委於中西畔俟一耦退則取所

中算收之別取入算如前法于算上先書射者姓名於下或書白或書采投之于中

司射副司射二人所掌先以強弓射鵠

誘射以鼓衆氣選能射者充司射器二

人掌驗弓力強弱分為三等驗人力強弱

授之司爵二人所掌凡遇射畢計中者

以爵授酒請射四人掌請射者授弓矢入

射位獲者每鵠用二人掌收矢還納于

主射者執旗六人掌于容后執各色旗

如射者中的舉紅旗應之中采舉采旗應

之射偏于西舉白旗偏于東舉青旗

偏于鵠舉黃旗不及鵠者舉黑旗

一射位

主射官位于中諸生位于東西

偏及容後射器射職位皆同前學官射

于中狐鵠諸

生射于中布鵠

一射儀注

前期戒射定耦選執事充司正副司正司射副司射司射器請射司爵收矢執旗樹鵠陳矢如圖儀是日執事者入就位請射者引主射正官及各官子弟士民俊秀者各就品位司射器者以弓矢置于正官及司射前請射者詣正官前圓揖畢引詣司射器前授弓矢畢引復本位司正執算入立于中後請射者詣司射前曰請誘射引

司射二人耦進各以三矢措於腰帶之右以一矢挾於二指之間推年長相讓年長者爲上射年幼者爲下射上射先進詣射位向鵠正立發矢司正書中投算置于中或副司正書中執旗者舉旗如式上射射畢退立于旁讓下射詣位發矢取算書中舉旗如前式請射者俱引復位收矢者收矢復于主射者司正取所中算請射者次請士民俊秀射次請官員子弟射次請品

卑至品高射其就射位發矢取算書中舉
旗收矢復位皆如前式俱畢司正副司正
各持算白中于主射官司爵者酌酒授中
者如式飲訖請射者請屬官以下射俱畢
仍奉弓矢納于司射器還詣主射正官前
圓揖乃退

學校

府儒學舊在城東門內後移出南門外元總
管程逖移還舊址元末燬于火明洪武二年

重建成化八年僉事林錦重修十年知府劉
烜始造樂器嘉靖十七年知府張岳以舊學
後迫城隅且

先師廟漸敝申請上司改建于南門內元妙
觀制中爲文廟爲東西廡爲戟門爲櫺星門
又前爲泮池造樂器延樂師擇子弟之俊秀
者教之十八年知府陳捷于學左隙地復建
號舍二十間二十年署府事廣東市舶提舉
王宗濬建牌坊于櫺星門右扁曰聖門二十

六年知府胡鰲造兩廡神龕修殿廡門三十
三年知府何御修樂器置書籍復建祭器書
籍庫于明倫堂後萬曆三十三年宗師朱爨
元按臨議改知府涂巍買基開道東南于其
前建坊扁曰斯文在茲道旁植以樹諸生請

記有碑有亭

錄舊志

敬聖祠儒學門內東

敬一亭中立敬一箴碑東西立五箴碑

名宦祠在敬一亭東祀漢太守孟嘗費綸蘇

緘唐太守顏游泰宋太守沈杞劉丙李時亮
羅守成何先覺周開蔣元振謝季成明太守
脫因朱勤殷格林錦邢正沈綸

國朝兩廣總督佟養甲巡撫朱弘祚

鄉賢祠在敬一亭右祀明禮科都給事中林
榮廣信府同知包羲民

學署廟後爲明倫堂東西爲齋堂後爲教授
廨訓導廨一在堂右一在學門外右東齋之
南爲門出循東廡之後爲南道爲儒學門

合浦縣儒學舊在文明坊左前爲化龍橋有
記嘉靖丙申改建今址當府治之內案始遷
有海風漂木之異庚子癸卯連發二科學宮
最爲宏壯隆慶以前西南舊有海角亭乃下
砂關鎖爲好事者廢士氣因之弗振其址猶
存議者以壬亥一脈之氣不宜當其緩處傷
其龍氣是人才少發不繼之故則培補之急
巽上六秀之水不宜分其上流引其斜飛是
人文一發便衰之故則邀祥之要海角遺址